



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindellicorvm, 1607

S. Pavlv[s] Homologetes, Archiepiscopvs Neocæsareæ Vnvs ex CCXVI.
Patribus.

urn:nbn:de:hbz:466:1-43013

Nobilissima hæc Anastasia celebratur ab omnibus. Vita eius M S. habetur cum Anastasii Biblioth. præfatione. Extant eiusdem epistolæ ad Chryfogonum in Suida & Nicephoro. vide Lipomann, & Surium, & C. Baronium.

S. PAVLVS HOMOLOGETES, ARCHIEPISCO-
PVS NEOCÆSAREÆ VNVS
 ex CCCXVI. Patribus.

23. Decēb

Sanctus hic noster pater Paulus virtutibus adeo insignis & clarus fuit, ut eius rei fama Licinii Nicomediæ imperitantis aures verberaret. Atque cum illum, ij qui ad eum comprehendendū missi erant, ad Licinii tribunal adstitissent, primum minis terrere, necquicquam sanctum aggressi, dein etiam tormentis tentarunt. Ut autem eum cedere cœperunt, omnes ob summam eius patientiam in stuporem dati sunt. Cumque ærarius, ferri * laminam igniisset, eam in sancti viri manus imposuit, alteramque supra manum collocavit, easque constrictas colligavit, dum ferrum refrigeret. Unde factum ut articulorum nervi contorti, sensum omnem & usum amitterent. Tum in exilium eiectum, ad Euphratis oras ergastulo incluserunt. Sed ubi Constantinus Magnus Bizantium ex vrbe venit, omnes

* *artopsia*

ab exilio reuocati custodiisq; educti sedes suas receperunt Tum & hic carcere liberatus ad thronum suum rediit, in quo velut sidus, vt antea refulsit. Conuenit autem & hic cum illis trecentis decem & octo patribus ad primam Synodum Nicænam.

Cumque omnes vestigia Christi in corpore suo portarent, & in his viderentur, ostenderentque inter se, alius manum præcisam, alius aures, alius nares, oculos alius, alius aliam corporis auulsam partem: Hi taurearum calla, aut virgarum cicatrices, illi comminuta ossa, aut corpora igne vstulata; quæ omnia Christi causa pertulere. Tum & noster hic B. Paulus haud expers quondam dolorum spectabatur. Gerebat enim virgarum labe, manusque ferro ambustas, & ad vsum prorsus inutiles. Postquam igitur Arii causa, in concilium conuenere, Arium diuino planè suffragio exauctorarunt, & anathematis fulmine perculerunt, & cum Imperatore Bizantium profecti sunt. Imperator verò suis ipse manibus huius B. Pauli complexus manus, & osculatus, easdem etiam oculis eius, & cæteris corporis partibus imposuit, simulque in hanc vocem erupit. Has manus propter Christum emortuas & immotas exosculando

lando nunquam fatior. Ita recepto throno suo, cum B. aliquamdiu supervixisset ad Dominum profectus est.

ANNOTATIONES.

Summi quique Græcorum patrum hunc laudat Athletam Christi, & pontificem: Theodoretus Ecclesiast. hist. l. i. c. 7. Gregorius Presbyter. Orat. de patribus Concilii Nicæni. Nicephorus lib. 8. c. 14. Et Baronius Annal. 3. A. C. 316.

De notis, quas Christi vestigia appellant, iidem memorant.

DE SANCTO NICOLA- LAO, EX MILITE MONA- CHO.

HIC Nicephori imperio, conditione miles erat. Imperatore ergo expeditionem in Bulgaros adornante, & hic cum exercitu est profectus, ac circa solis occasum in cauponam publicam diuertit, & cum hospite cœnavit. Fufis (post cœnam de more) precibus, se ad somnum composuit, circaque secundam aut tertiam noctis vigiliam cauponis filia, telo cupidinis faucia, virum iustum pungere, & ad stuprum sollicitare cœpit. Sed vir sanctus ad eam: Apage, inquit, mulier, cum nefariis & tartareis tuis amoribus, nec virginitatis tuæ florem